

Schenectady City School District

108 Education Drive
Schenectady, NY 12303-1238



◆ Kuumin Ekkewe Meilapen Kokkotun Sukul

John Foley, President Katherine Stephens, Chon Allilis Ngeni President

• Andrew Chestnut • Dharam R. Hitlall • Catherine A. Lewis • Ann M. Reilly • Bernice E. Rivera

April 10, 2020

Achengicheng Ami Sam me In, Chon Tumwunu me Chon Allilis,

Ua aneanei pwe ami me aramasemi kewe ra pechekkul. Ngang ua mak, ikenai, le erenikemi minefe pworousun sukul kapachalong June Regent exams.

Sarinfel, April 6, Governor Andrew Cuomo a esilesil pwe ekkewe sukul lon New York State resap suuk fan iten pwal ruu wiik. Iwe, ekkewe sukul meinsin resap chuen suuk tori April 29, 2020. Lon ei fansoun, kait me ren ewe internet epwe sopwelo. Aupwe erenikemi minne mi lamot atun aua angei minefe pworousen esilesil.

Chon Ewe New York State Ofiselapen Sukul ra esilesila pwe ekkewe June 2020 Regents exams resap fis. Ekkewe chon sukul repwap angei diploma credit (liwin fan iten ar angang) inamwo rese tufich le feri ewe sossot, ika exam. Aupwe awewei ngeni chon sukul tichikin met a lamot ngeniir.

Uweifetalin Menge

Inamwo aupwe chuen awora ngeni chon sukul aner mengeen lessossor me lionowas, ekkoch schedule ra siwil. Fan iten Bus stop #410 tori #415 uweifetalin aner menge epwe fiffis Sarinfel, Aulungat, me Enimu iteiten wiik. Ei minefe kokkot epwe poputa Sarinfel, April 13. Ka tongeni kuna ei kokkot lon am we website.

Lon ekkei ran, chon sukul repwe angei aner menge fan iten ruu ran.

Ewe leeni fan iten angangen kawor menge iten Pleasant Valley kulok 11 a.m. a siwil ngeni eu sokko leeni iten Mont Pleasant Middle School.

Osupwangen Mecha ika Tablet

A kon lamot ouse mochen oua erenikem me ren "Let's Talk" ika noum we ese wor eche tablet. Ewe link ka tongeni neuneu a kapachalong lon ewe pworousen COVID-19 lon am we website.

OFISIN

EWE SOUNEMENEM

Dr. Aaron Bochniak

I Emen mi Wiseni ewe
Wisen
Sounemenem

Dr. Patricia Paser

Chon Allilis ngeni
◆ Fwe Sounemenem

OFISELAP

Fon: 518.370.8100

Fax: 518.370.8173

Web: www.schenectady.k12.ny.us

Pworousfengen Usun Moni

Pokiten ewe COVID-19, ekkewe sukul lon New York State rese angei lapoloon ar payoffun Foundation Aid (allilis fan iten sukul). Ei siwil a watte me a wewe pwe ewe Governor ese fang ngeni met a piin era lon January. Iwe, ewe kinikinin sukul a wor \$4.6 milion liwinnimang.

Am aua etiwa ami allilis. Ami ouse mochen erenikem ekiekemi ifa usun aua tongeni amurinnelo am achocho me ifa usun am tongeni ekisaalo mettoch am aua kame fan iten sukul. Ami oupwe tongeni neuneu ei link mi efisi pworousfengen lefilen aramas iten "thought exchange": <https://my.thoughtexchange.com/795134327>. Ei link epwe tori April 21. A lamot ami allilis. Aupwe erenikemi met mwirilon seni ewe "thought exchange" (pworousfengen).

Met epwe fis ren sukul a sissiwil. Aupwap erenikemi och pwourous mi lamot ngonuk atun am silei och. Ouse mochen oupwe affata noumi fon nampa mi nom rem a pwung, me checheki am we website.

Kilisou ren ami tipeufengen me peppenikem,

Ewer,

Dr. Aaron T. Bochniak

I Emen mi wiseni ewe wis Sounemenemen Ekkewe Sukul